

Solamente na Coastal:

A.I.G. A AMPLIA SU CAPACIDAD DI ALMACENAMIENTO NA 32.000 GALON

ORANJESTAD (AAN) - Ademas di e productionan di gas cu A.I.G. ta ofrece, e compania ta dispone di un almacen cu ta ofrece e clientenan aparatonan pa haci corte of soldadura, y tambe equiponan di seguridad pa e persona cu ta haci e trabao.

Sr. Marchena a splica cu ora un trahador ta cortando cu uso di cierto productionan, nan ta

haya cu temperaturanan hopi alto loke por ta peligroso. E compania ta ofrece articulonan di seguridad pa evita e problema aki, y e ta considera cu ta hopi importante pa cada trahador tuma su mes precaucion.

E compania ta supli 100% di e necesidadnan di gas industrial na Aruba. Nan ta distribui gasnan di pureza masha halto mes cu ta worde usa den

laboratorionan pa calibracion di diferente instrumento electronico, tambe e gas cu ta ser usa den camber di operacion, y mezcla di gas pa diferente uso cual ta prepara den e laboratorionan na Venezuela, caminda nan ta certifica e proceso y e productionan.

BASE INTERNACIONAL: Ta importante pa anota cu Antiyas Industrial Gases, cu ta centraliza pa abastece e mercado di Aruba, ta pertenece na un holding internacional cu ta B.O.C of London, Inglatera.

B.O.C Group, manera e multinacional ta worde yama, ta un di e companianan di mas

grandi, of talvez esun di mas grandi, den e suplidornan di gas atmosferico na mundo, loke ta papia riba su mes di e importancia cu e industria local tin pa Aruba.

Aruba Industrial Gases ta hendel Curacao, pero e isla aki tin su propio oficina, cu ta abastece tambe fuertemente e mercado na Curacao. AIG tambe tin relacion cu Bonaire y Antiyas Industrial Gases cu ta centraliza pa abastece e mercado di Aruba.

"Logicamente e mercado di Aruba ta sumamente chiquito, y nos ta purba pa traha mas eficientemente posible den e servicio", señor Marchena a indica.

AMPLIACION: Recientemente A.I.G. a extende bastante, den e sentido di capacidad di almacenamiento, specialmente un aña y mey pasa cu e refineria a drenta den operacion.

E compania a amplia su capacidad di abastecimento na 32.000 galon instala na Coastal, ademas di e instalacion A.I.G. tin na Balashi.

PERSONAL: Actualmente A.I.G. ta conta cu 11 persona. Den nan mayoria nan tin entre 15, 25 y casi 30 aña di traha cu e compania aki.

Nan ta hende cu hopi experiencia di cual Sr. Marchena ta sinti su mes hopi orguyoso di tin un personal capacita y cu ta colabora fervientemente cu e exito di dicho empresa, loke e kier reconoce publicamente, tanto esnan cu ta

traha den planta como den e parti administrativo. Sr. Marchena ta considera cu sin nan bon trabao, A.I.G. lo no por tabata tin e exito cu e tin awendia unda e hecho cu e tin 30 aña di existencia durando bon servicio, ta papia riba su mes.

E satisfaccion di mas grandi cu Sr. Marchena tin ta cu A.I.G. nunca, te awe y danki DIOS, a sufri ningun accidente cu por a afecta trahador. E compania ta opera bao un nivel maximo di seguridad y eficiencia.

SISTEMA MODERNO: A.I.G. ta opera bao un sistema moderno di automatizacion, unda cu inclusive, aña pasa a instala un sistema di telemetria a traves di cual, electronicamente via computer, e compania ta conecta cu e instalacion di Coastal y asina por midi e cantidad di inventario cu nan tin, por ehemplo riba un producto specifico manera Nitrogen, cuanto variedad e compania tin na Coastal. E ta worde midi cada ora, cuanto producto di Nitrogen e refineria tin, y nan por constata si ta surgi un problema of un emergencia, di manera cu A.I.G. ta elimina casi completamente e escasez di e producto pa e refineria.

Tambe e compania tin un contacto hopi estrecho cu Hospital unda cu nan ta pendiente di e cantidad di oxigen cu tin den existencia. Oxigeno ta un producto sumamente importante y henter Hospital ta depende di dje, segun señor Marchena a indica.